

Redovni izvještaj dnevnih događaja i pojava

Izvještaj se odnosi na događaje u vremenskom periodu od 14.08.2026. godine od 08:00 sati do 15.08.2026. godine do 08:00 sati. Prema podacima kojima raspolaže Kantonalni operativni centar CZ-e, službe od posebnog značaja radile su na izvršavanju svojih redovnih zadataka.

POŽARI (LP-3)

Grad Bihać. Vatrogasna jedinica grada Bihaća imala je dvije intervencije na gašenju požara:

- Od 10:10 do 16:45 sati u mjestu Malo Očijevo, gdje je gorjela trava i nisko rastinje.
- Od 19:54 do 21:14 sati u mjestu Vikići, gdje je gorjelo nisko rastinje.

Grad Bosanska Krupa. Vatrogasna jedinica grada Bosanska Krupa imala je dvije intervencije na gašenju požara:

- Od 10:40 do 15:50 sati u mjestu Jezerski, gdje je gorjela šuma i nisko rastinje.
- Od 16:00 do 17:10 sati u mjestu Pištaline, gdje je gorjelo nisko rastinje.

Grad Cazin. Vatrogasna jedinica grada Cazina imala je pet intervencija na gašenju požara:

- Od 14:05 do 16:15 sati u mjestu Bajrića Križ, gdje je gorjela šuma.
- Od 16:10 do 20:00 sati u mjestu Suljići, gdje je gorjelo smeće i nisko rastinje.
- Od 16:30 do 19:40 sati u mjestu Keranovići, gdje je gorjela šuma.
- Od 18:45 do 19:40 sati u mjestu Gornja Koprivna, gdje je gorjela trava.
- Od 22:10 do 00:00 sati u mjestu Suljići, gdje je gorjela trava i nisko rastinje.

Općina Velika Kladuša. Vatrogasna jedinica općine Velika Kladuša imala je četiri intervencije na gašenju požara:

- Od 12:46 do 13:10 sati u ulici Ive Marinkovića, gdje se je zapalio kombajn .
- Od 13:00 do 17:10 sati u mjestu Mrcelji, gdje je gorjela trava i šuma.
- Od 15:05 do 16:50 sati u mjestu Šiljkovača, gdje je gorjela trava i voćnjak.
- Od 19:45 do 21:25 sati u mjestu Glinica, gdje je gorjela šuma.

Općina Sanski Most. Vatrogasna jedinica općine Sanski Most imala je osam intervencija na gašenju požara:

- Od 12:10 do 21:00 sati u mjestu Satina, gdje je gorjela šuma.
- Od 11:24 do 12:00 sati u mjestu Pobrežje, gdje je gorjelo nisko rastinje.
- Od 12:30 do 13:20 sati u mjestu Podlug, gdje je gorio pomoćni objekt.
- Od 13:30 do 14:20 sati u mjestu Kruhari, gdje je gorjelo nisko rastinje i voćnjak.
- Od 14:00 do 16:00 sati u mjestu Gornji Kamengrad, gdje je gorjela šuma.
- Od 16:45 do 18:00 sati u mjestu Kruhari, gdje je gorjelo smetlište i nisko rastinje.
- Od 19:25 do 20:20 sati u mjestu Sanska Brda, gdje je gorjelo smeće.
- Od 19:55 do 21:00 sati u mjestu Kijevo, gdje je gorjelo nisko rastinje.

Općina Bužim. Vatrogasna jedinica općine Bužim imala je intervenciju na gašenju požara od 14:21 do 15:00 sati u mjestu Mrazovac, gdje je gorjela njiva.

Općina Bosanski Petrovac. Vatrogasna jedinica općine Bosanski Petrovac imala je tri intervencije na gašenju požara:

- Od 11:00 do 14:30 sati u mjestu Grmeč, gdje je gorjela šuma.
- Od 13:00 do 15:30 sati u mjestu Smoljana, gdje je gorjela trava i nisko rastinje.

- U 06:00 sati otišli na intervenciju zbog požara u mjestu Grmeč.

Vatrogasna jedinica općine Ključ nije imala intervencija.

OBLAST SAOBRAĆAJA (prohodnost puteva, drumski i željeznički saobraćaj)

Zbog radova na sanaciji nadvožnjaka na lokalitetu Orljani na magistralnoj cesti Bihać-Ripač, zatvoreno je skretanje sa magistralne ceste prema naselju Ribić-Orljani.

Zbog radova na sanaciji klizišta na magistralnom putu M4.3. Bužim-Brigovi, saobraća se usporeno, jednom trakom naizmjenično.

Zbog radova na izgradnji pješačke staze, saobraća se usporeno, naizmjeničnim propuštanjem vozila uz ručnu regulaciju saobraćaja u gradu Bihaću.

Duge su kolone vozila na izlazu iz Bosne i Hercegovine na graničnim prelazima Izačić i Velika Kladuša, na ostalim graničnim prelazima zadržavanja za putnička vozila nisu duža od 30 minuta.

BEZBJEDNOST U SAOBRAĆAJU (LP-7) (saobraćajne nezgode)

U protekla 24 sata na području Kantona desilo se šest saobraćajnih nezgoda.

Četiri lica zadobila su lakše tjelesne povrede, te je pričinjena materijalna šteta.

OŠTEĆENJA ELEKTRIČNE MREŽE (LP-18)

Elektroenergetski sistem je stabilan.

OBLAST TELEKOMUNIKACIJA (LP-18)

Telefonske veze funkcionišu u svim pravcima.

OBLAST VODOSNABDIJEVANJA (LP-18)

Grad Cazin. Zbog povećane potrošnje i smanjenog kapaciteta na izvorištima uvedene su redukcije u snabdjevanju. Redukcije će trajati nekoliko sati u različitim vremenskim periodima, tokom dana i noći, za pojedine grupe potrošača, a posebno za korisnike vodovodnih sistema Vignjevići i Tahirovići.

Općina Bužim. Zbog smanjenog kapaciteta i velike potrošnje pitke vode uvedene su redukcije za naselja koja se snabdijevaju sa izvorišta Pivnice i Musići.

Vodosnabdijevanje u ostalim općinama i gradovima je zadovoljavajuće.

NEEKSPLODIRANA UBOJNA SREDSTVA NUS (LP-19)

Grad Cazin. Služba civilne zaštite grada Cazina nam je dostavila podatke o pronađenom NUS-u. Radi se o ručnoj bombi pronađenoj u mjestu Gornja Lučka. Mjesto pronalaska obezbjeđeno od strane službenih lica Policijske stanice Cazin.

METEOROLOŠKO-HIDROLOŠKA SITUACIJA

U gradu Bihaću u 08:00 sati temperatura je iznosila 16 °C.

Vodostaj rijeke Une iznosi 20 cm, (početak obavješćavanja je 100 cm).

U općini Sanski Most u 08:00 sati temperatura je iznosila 16 °C.

Vodostaj rijeke Sane iznosi 73 cm (početak obavješćavanja je 310 cm).